



Fedje kommune

Blir berre sendt som e-brev til:

postmottak@fedje.kommune.no

Høyring - Ny lokal forskrift om rett til langtidsopphald i sjukeheim

Vi viser til høyringsbrev av 25. april 2017 der kommunen inviterer til innspel til kommunal forskrift. Vi har følgjande kommentarar:

§ 2. Definisjonar

Vi tilrår at de stryk siste setning under bokstav a. I somme tilfelle kan de med heimel i pasient- og brukarrettslova kapittel 4 A halde pasienten tilbake.

§ 3. Verkeområde

Her er det verkeområde for forskrifta som bør gå fram, ikkje kva som er vilkåra for å få tenestene. Det sentrale er at forskrifta gjeld for alle som oppheld seg i kommunen, under dette dei som flyttar til kommunen.

§ 4. Kriterium for tildeling av langtidsopphald i sjukeheim eller tilsvarande bustad, særleg lagt til rette for heildøgns tenester.

Vi tilrår at kriteria blir meir utdjupa. Nokre døme:

a) Helsetilstand

Kor omfattande er behovet, kor lenge har vedkomande hatt behov for hjelp, om vedkomande treng tenester/tilsyn heile døgnet, med korte mellomrom, kva for hjelp vedkomande treng og pasientens føresetnader for å tilkalle hjelp. Mental og kognitiv tilstand: Korleis skal dette vere vurdert?

e) Opphaldet må vere frivillig

Vi gjer merksam på pasient- og brukarrettslova kapittel 4A

Etter vår vurdering bør retten til medverknad kome tydelegare fram. Informasjon til pasienten om tilbod og kva pasienten sjølv ønskjer på grunnlag av slik informasjon bør vere med som eit kriterium.

Vidare gjer vi merksam på at det i kvart tilfelle er nødvendig å gjere ei samla vurdering av pasienten sin situasjon. Dette kan komme klarere fram.

Kva med pasientar med særskilte behov? Langtidsplass i skjerma eining? Kva er terskelen/inntakskriteria? Dette tilrår vi blir utdjupa.

§ 5. Søknad og vedtak

Tildeling treng ikkje alltid vere avhengig av søknad. Kommunen kan og skal tilby langtidsopphald i sjukeheim til den som kommunen meiner treng det. På den måten blir rettstryggleiken ivareteken for den som ikkje er i stand til å søke sjølv.

§ 8. Klage

Vi stiller spørsmål ved formuleringa og meninga med siste setning. Dersom ein pasient har søkt om sjukeheimplass og i staden blir tildelt «tilsvarande bustad», har då ikkje pasienten fått delvis avslag på søknaden?

Med helsing

Helga Arianson
fylkeslege

Arne Erstad
seniorrådgjevar

Brevet er godkjent elektronisk og har derfor inga underskrift.